



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XI.

urn:nbn:de:hbz:466:1-11453

volentem Panhormi, prohibuit: Eadem ratione tentum, ne Romam ad pontificem accederet. Creuit Friderici pertinacia: & interim Gregorio defuncto Celestinus senex sufficitur: quo intra vicesimum diem moriente, cardinales qui in vinculis erant, protestantur, ne se absentibus fieret electio: quæ res vacationem præstitit sedis apostolicæ per menses viginti: Cum periculum esset, ne Fridericus omnia perturbans, urbem Romam, capite carentem, caperet: Fauentiam diu obsessam accepit deditam: Inde in Bononiam agmina conuertit: Studio literarum eam priuauit, quod tum primum est Paduam translatum: Et cum potiri vrbe non speraret, peruastato agro, duxit in Mutinenses, atque Reginenses: Nec diu apud eos moratus, sola agrorum vastitate contentus, abiit: præsertim cum pperaret ducere in Parmenses, à quorum nonnullis, Placentinorum tradenda ei vrbs spes erat oblata.

CAPVT XI.

Secundus iam annus fluxerat latæ in Fridericum excommunicationis: quo in tempore sedis apostolicæ nulla aut tenuis erat autoritas, aut minima fuit potestas, Gregorio ad postremos sui pontificatus annos, varijs afflictis persecutionibus, & sede ipsa postmodum per tantum temporis vacante. Qua tempestate Balduinus Imperator Constantinopolitanus, & cæteri Latini, in Romania agentes, meliora quæque amiserant: aded vt de retinenda Constantinopoli desperarent: quam sæpe apparuit in Græcorum potestatem redituram, nisi proprio Veneti impendio succurrissent: Non erat apud eos obscurum, auxilia Christianis frustra expectari, aut petiposse, quibus mittendis Romani pontificis deesset & opera, & autoritas. Dedit itaq; Balduino, sicut plerisq; laboran-

laborantibus, ingenium necessitas, qui Raimundo comiti
 Tolosano sociatus, in Italiam est delatus, primumque, sicut
 debuerant, ipsi principes adiērunt Fridericum: Is enim
 Parmam urbem à factione suarum partiū introductus,
 aduersarios numero plures, quā sui erant, eiecit: hiique
 populariter Placentiam commearunt. Impetrarunt ve-
 rō Imperator & Raimundus à Friderico, cardinales
 praelatosque Amalphitano carcere liberari, fore polli-
 citi, ut illis ad collegium perductis, ad optatissimā pon-
 tificis electionem veniretur: cum quo ipsi coram Imperio
 & ipsius Friderici iurium, & solidæ pacis haberent ex-
 actissimam rationem. Venientibus inde Romam Baldui-
 no & Raimundo, quicquid in vrbe fuit, cardinalium,
 praelatorum, curialium, atque Romanorū, obuium pro-
 dī: Et quia missus Amalphim Friderici nuncius praece-
 serat, tertio principis Constantinopolitani in urbem ad-
 uentūs die, subito rumor urbem peruasit, liberatos car-
 dinales Anagninam peruenisse: Vnde non magis ex com-
 posito collegium eō accessit, quā effusam omnem curi-
 am & Romanos primarios ciues est sequutū. Quō cū
 Balduinus Raimundusque accessissent, ilicō de electione
 agi cōptū: quæ Iunio mense, quadragesimo quarto post
 mille ducentos, apud sanctæ Mariæ basilicam est cele-
 brata: Et Sinibaldus sancti Laurētij in Lucina presby-
 ter Cardinalis, Fiscæa comitum Lauania Genuensium
 gente, in IIII. Innocentium est creatus. Placuisse ferunt
 Friderici nuncijs apud Balduinum Imperatorem agen-
 tibus eius viri assumptionem, Friderico, omniū eius col-
 legij, & curiæ amicissimi: certatimque Parmam dimissi
 sunt equites acceleraturi, à quibus lato Fridericus nun-
 cio afficeretur. Is autem mentis suæ conscius, fertur ex
 composito respondisse, Bonum se amicum cardinalem,

in acerrimū hostem Romanū pontificem permutasse. Ab Anagnia in urbem ut estreditū, de pace agi placuit: quæ cura Imperatorem Balduinum & Tolosanum comitem, aquæ ac ipsum pontificem cupientissimum, totos menses quatuor, die noctūq; exercuit, Friderici oratoribus, nūcysq; per dies variatibus, & nulli sat formulæ, nulli oblata conditioni, sine scrupulo adquiescentibus. Et rescijt interea pontifex, Fridericum in eius caput cum Romanis ciuibus machinari.

CAPVT XII.

Huius quidem machinationis ea erat ratio constituta: ut accedens Ciuitatem castellanam pontifex, Fridericum ad se venturū expectaturus, in itinere caperetur. Quare veritus pontifex, nè si petitas negaret conditiones, cōiurati ad facinus in ipsa vrbe proflirent: & petita pacis conditioni verbo assensus, & diem sui accessus paucillū remotiorē ex formula constituit. Interea petitas à Genua triremes, ad Centumcellensem portum applicuisse certior factus, noctū adequitans, ad illas delatus est: & nauigans Genuam incolumis peruenit: ubi periculosissimā incidit valetudinē: ex qua cum conuallisset, ad Philippū regem in Franciam se contulit: Ingressum Rhodano amne aduerso, Franciæ regnū, pontificē Innocentiū rex summa veneratione excipi curauit, deduciq; Lugdunū: qua in vrbe cum conciliū celebrare pontifex cōstituiisset, sua primū cōsultuit honestati: Quoties enim sermonē ad populū, homiliamq; habuit, quod vnoquoq; solēni die fuit, Fridericū alta inclamauit voce, illū admonens, ut ad ea respōdeat, quæ aduersū se p iuribus ecclesiæ cōsequēdis habeat, Lugdunū se cōferret: futurum protestatus, ut si nō accessisset, satisq; postulatis fecisset, ipse patrū vetere instituto conciliū conuocaret.

Cumq;